

Rapport dalla sessiun dil cussegl da vischunaunca dils 03-05-2021

Tractanda 1

Approbaziun dil protocol dalla sessiun dils 25-01-2021

Il protocol dalla sessiun dils 25-01-2021 vegn approbaus cun engraziament.

Tractanda 2

Quen communal 2020

- a) Orientazion e discussiun
- b) Rapport dalla cumissiun da gestiun
- c) Approbaziun da quen e bilanza

Il president communal Dumeni Tomaschett presenta ils puncts impurtonts dil quen communal digl onn 2020 sco suonda:

Il quen current siara cun in surpli d'entradas da frs. 485'587.-. Il gudogn avon amortisaziuns (cashflow) mutta à frs. 947'771.-. Igl ei vegniu investau net frs. 926'593.-. Il deivet net dalla vischunaunca ei sesminuius per frs. 21'178.- sin totalmein 2'223'898 milliuns francs.

Per la presentaziun dil quen vegn surdau il plaid alla canzlista communal.

Il quen d'investiziuns siara cun expensas totalas da 2'830'847.85 milliuns francs ed entradas totalas da 1'904'255.30 milliuns francs.

Las grondas posiziuns secloman:

• Sanaziun via Gravas	frs. 492'427.00
• Parcadì sut casa da scola Schlans	frs. 84'972.15
• Via Munt	frs. 1'921'155.25
• Ovra hidraulica Runcalatsch	frs. 122'052.80

Allas damondas che vegnan tschentadas ord il cussegl san suprastanza e canzlista rispunder per cuntentientscha dallas cusseglieras e dils cusseglier.

Il president dalla cumissiun da gestiun Marcus Alig rapporta davart la laver dalla cumissiun.

La cumissiun da gestiun ed il biro da revisiun recamondan l'approbaziun dil quen cun engraziar e dar scarica als funcziunaris responsabels ed als collaboraturs dall'administraziun.

Cun 13 : 0 vuschs approbescha il cussegl da vischunaunca il quen communal digl onn 2020 tenor la proposta dalla cumissiun da gestiun cun resalva dil referendum facultativ.

Tractanda 3

Vendita della parcella 3006 a Pustget

Cun 13 : 0 vuschs autorisescha il cussegl da vischunaunca la suprastanza communal da vender la parcella 3006 sin fundament digl artechel 41 alinea g dalla constituziun communal

Tractanda 4

Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegl da vischunaunca

Il president
Baseli Tomaschett

La actuara
Sandra Gautschi